

π h
973





Erſchreckliche Zeitung

Was ſich zu Spandow

mit einem Hüetergeſellen Gabriel Kumern
von Leopſcheitz / vnter dem Marggraffen von Anſpach /
birtig / zugetragen / welchem nach vielfeltigen Anfechtungen des leidigen Teu-
fels / ein Engel Gottes zu erlichen vnterſchiedlichen mahlen erſchienen / vnd iene
nach viel vnd manchfeltigen vnterricht / auch ernſtlichen beſohlen / Chriſtliche
Betstunden im ganzen Lande anordnen zu laſſen / damit dem künfftigen zorn
Gottes geſtewret werden möchte / Wie ſolches von den Wolweiſen
Herrn Balthaſarn Weſtphalen vnd Johan Müllern / Bürger-
meiſtern vnd Rahtsvorwandten deſſelbigen orts den 5. Dec-
cemb. glaubwürdig bericht vnd anhero geſchrieben /

Allen Gutheirigen vnd Fromen Chriſten
zur wahrer beſſerung vnd warnung in
Druck verfertigt.



15

94



Wittenberg / Gedruckt bey Wolfgang Meißner.

Erschreckliche zeitung was sich zu Spandow
mit einem Hüetergesellen zugetragen.

A Anno 1594. Dinstags nach Egidij ist der Teufel in gestalt eines Menschen zu Spandow in der Wachbuden zu einem Hüetergesellen/ Gabriel Künier genandt von Leopshiez vnter dem Marggraffen von Anspach bärtig/ komen/ auff den Abend vmb 5. Uhr/ vnd gesagt/ wenn er seine sein wolte/ so wolte er ihm Gelt vnd Gut genug vorschaffen/ der Gesell aber geantwortet: da behüte mich Gott für / Ich wil bey meinem **HERRN** Christo bleiben / der mach mich an der Seelen reich / so bin ich reich genug.

Der Teuffel aber hat in gleichwol je lenger je mehr/ vnd hefftiger zugesatzt/ vnd böse Gedancken im eingeben/ ehr aber sich mit Gottes wort getröstet / vnd im darmit stets widerstanden:

Nimbt derhalben vrlaub von seinem Meister/ Melchior Hartman genant/ vnd wandert bis gen Franckfurt an der Oder/ kehret daselbst zu einem Meister mit Nahmen Hans Samuel ein/ alda kömpt ein Engel des **HERRN** in der nacht zu im in einem weissen hellglantzenden Kleid/ vermahneth in/ das er zu rücke kehre/ vnd sich widerumb gen Spandow begeben soll/ vnd das Volck zur Busse vermahneth/ der Gesell fragt dem Engel: wer bistu? als hat im der Engel geantwortet / Ich bin der/ welcher der Jungfrauen Maria den geis gebracht/ vnd in dem thut der Engel sein hellglantzendes

des

des Kleid von einander / da kumt dem Engel auff der rech-
ten Brust mit groben roten Versal buchstaben: Fortitudo,
auff der lincken Brust: Dei.

Der Geselle kehret sich an des Engels vermahnung
noch nicht / sondern wandert noch drey meilen weiter / jenseit
Francfort / zu einem Stedtlein Fürstenberg genandt / do
gedencket er zu rücke / vnd schlecht in sich / wenn er sich auff
des Engels anmeldet / nicht widerumb gen Spandow
vorfügen / vnd solches vormelden / was im der Engel befoh-
len hatte / möchte im Gott gretzlich drum straffen / vnd
nimpt derwegē seinen weg zurücke / gelanget zu Spandow
an / vnd wandert bey vorobgedachten seinem Meister wi-
derumb ein / der in auch mit arbeit widerumb fordert. Als
tregt sich zu / das in Vigilia Martini des gehenden 94 jars
in der nacht / da der Teuffel in gestalt eines Menschen / in ei-
nem langen Wolffes Pelze umb habend / zu dem Gesellen
kompt aus Bette / da wird dem Gesellen angst vnd bange /
das er vor furcht nicht mehr schreien kan / bald siehet er / das
ein Engel auch erscheinet / ein Sensen in der Hand tragend /
vnd wird so hell vnd liecht / als were es am hellen tage ge-
wesen / dagegen der Teuffel kolschwarz gestanden / so sagt
der Engel zum Gesellen: Fürchte dich nicht Gabriel / kenne-
stu auch mich noch wol: er gesaget: wie sol ich euch kennen /
hab ich euch doch mein tage nicht gesehen / als balde thet er
sein schneewis glantz leuchtendes Kleid wider von einander /
so siehet der Geselle / das die roten Buchstaben / wider wie vor
an der rechten Seiten Fortitudo auff der lincken seiten Dei
stehn.

Aber vnten in der Hertzgruben hat ein gar schön vorgültes hellglantzendes Creutzlein / welches er wegen der grossen Klarheit nicht hat ansehen können / gehangen / darunter Hebreische Buchstaben / so der Gesell gar wol gekant / aber nicht hat lesen können / gestanden / vnd hat oben auff seinem Heupt einem gar schönen Kauten Kranz / welcher mit schönem Golde bewunden gewesen / gehabt / Do erinnert sich der Geselle / das es der Engel müste sein / der zu Franckfort bey jm gewesen war.

Do thut der Teuffel wider zu dem Gefellen komet / vnd sicht ihn hefftig an / als das der Geselle gar macht vnd krafftlos darüber wird / Da bleib der Engel dem Teuffel gar hart an / das es gar gesauset / vnd gehet ein blos glantzendes Schwerdt aus seinem Munde / dafür der Teuffel gewichen.

Da nun der Geselle so mach vnd krafftlos lieget / da bricht der Engel etwas von seinem Kauten Kranz / vnd gibts dem Gefellen / vnd saget zu jm : Nimb hin vnd iss das im Nahmen Jesu Christi / welche Kauten er auch gessen / Ob es nun süsse oder herbe gewesen / kan er nicht wissen.

Darnach nimbt der Engel des Herrn / ein schön schneeweis Einwandt als ein Bethlacken / vnd so lang als der Hüetergesell gewesen / das er sein Heupt vnd Füße bedeckt hat / Dorin hat ein vorgültes Creutz gestanden / vnd ist dasselbe dem Hüetergesellen vbergedacht / da ist er als baldt wider zu seinen Krefftten komet.

Dorauß

Dorauß ist baldt ein Himlische Cantoren gefolget
die das Te Deum Laudamus vff Deutsch gesungen/ vnd
den Vers: Heilig / Heilig ist Gott der HERR Zebaoth/
vnd Lateinisch einen Chor vmb den andern/ gar schön vnd
lieblich gesungen/ vnd sonderlich ist ein Discant. Stimme/ da-
runter gehöret worden / so hell vnd lieblich das es nicht zu
sagen ist/ Darnach hat der Engel den Gesellen vormahnet/
er solte auff stehn vnd zu dem Obersten Superintendenten ge-
hen/ vnd im vormelden / das er das Volck/ mit scharffen
worten/ grossen ernst vnd mehren eyffer zur Busse vormah-
nen soll / wie bisher geschen / aber der Gesell ist als bald wie-
der dorauß eingeschlossen.

Der Engel/ kompt wider zu im/ vnd fraget ihn gar
hart/ bistu hin gewesen der geselle antwortt Nein / En sie-
he auff vnd gehe als bald/ vnd sage im: wird das Volck nicht
Busse thun/ so wird ein geschrey kommen von Mitternacht
bis gegen Mittag/ vnd Wehe/ Wehe/ Wehe/ schreien/ vnd
soll drauff solche straffe komen/ als nie gewesen ist.

Weil man aber in Vigilia Martini des abends zu-
vor/ che dis geschen/ mehr angefochtene/ vnd besessene Per-
sonen in der Kirche zu Spandow vor dem hohen Altar ge-
habt / mit Gottes Wort zu trösten / hat der Teuffel in den
Besessenen der massen gewütet vnd getobt/ das es nicht zu
sagen ist.

A ij

Der

Der Engel hat zu dem Gesellen ferner gesagt / hastu
mich nechten in der Kirchen nicht gesehen? der Gesell geant-
wortet. nein / aber den Teuffel hab ich in einem Wolffspelze
ob den besessenen / vñ andern Volck so dabey gewesen / sehen
tanzen vnd springen / vnd hat mir auch einen Strick vmb
Hals geworffen / drauff ich dann laut auffgeschriehen / das
es jederman gehöret / aber die schlinge des stricks / hat er nit
zu ziehen können / Drauff der Engel zum Gesellen gesagt:
ja wann ich nicht widerstandt gethan / würde es vbel in der
Kirchen zugangen sein.

Ferner gesagt: Gott hat dem Teuffel noch weiter vor-
henget / das er noch ander Leute mehr / ober die so jcho Leib-
hafftig besessen / martern vnd plagen müste / aber sie solten
sich nicht fürchten / sondern getrost sein / vnd im Gebet fer-
ner vleissig anhalten / das Gott seinen gefasten zorn / wegen
vnsrer vielfaltigen Sünde gnediglich wolte abwenden / als
dann würd vns Gott / zu seiner Zeit erhören / vnd für des
Teuffels wüten wol behüten vnd bewahren.

Montags nach Martini auff den Abendt vmb 8. Uhr /
wie gemeiner Hütergesell sich zu bette geleget / vnd Gott dem
allmechtigē befohlen / setze in der böse feindt / mit schwere an-
fechtungē hefftig zu / dorauß vorgemelter Engel in obange-
zogener gestalt widerumb erscheinet / Sagt: Gabriel siehe
eilends auff / vnd gehe zum jungen Graffen / vnd sage im / er
solle einem Erbarh Raht / vnd den Geislichen anmelden / dz
sie alle Abendt vmb 7. Uhr ein newe Betstunde anordnen /
vnd die grosse Glocke jedes mahl 3. Pulsz leuten lassen sol-
len /

len/ damit Gottes schwere straffe von ihnen durchs Gebet
möge abgewendet werden / wird aber solches nicht gesche-
hen/ vnd Busse thun werden/ hab ich befehl/ mit dieser Sen-
sen/ die ich/ wie du siehest/ in meiner Hand führe/ die Frommen
abzumähen / damit sie durch den Todt aus dieser Welt weg
gerissen sein / vnd der grossen straffe die vber Deutschland
komen wird/ nicht erfahren noch sehen mögen / Sage es
men vnd vorschweig es nicht/ vnd das die Bethstunde vnd
das leuten/ nicht allein in dieser Stadt/ sondern auch von
der Herrschafft im ganzen Lande möge angeordnet wer-
den/ vnd du wirst mich hinfort mit deinen leiblichen Augen
auff dieser welt nicht mehr sehen/ der Teuffel aber wird nicht
vnterlassen/ dich anzusechtē/ aber sey getrost/ ich wil vnricht-
bar weise stets mit dir sein / vnd den Teuffel wider-
standt thun. Hierauff ist er bald von im ver-
schwunden. Geben zu Spondoro den
25. Nouemb. 94.

QKTH 973

[Faint, illegible text, likely bleed-through from the reverse side of the page]

[Faint, illegible text, likely bleed-through from the reverse side of the page]

[Small handwritten mark or signature]



ULB Halle
004 973 78X

3





Inches 1 2 3 4 5 6 7 8

Centimetres 1 2 3 4 5 6 7 8 9 10 11 12 13 14 15 16 17 18 19

Blue Cyan Green Yellow Red Magenta White 3/Color Black

Farbkarte #13 B.I.G.

Erschreckliche Zeitung

Es sich zu Spandow

II
923

in Hüetergesellen Gabriel Kumer
 heitz / vnter dem Marggraffen von Anspach /
 gen / welchem nach vielfeltigen Anfechtungen des leidigen Teufels
 Gottes zu etlichen vnterschiedlichen mahlen erschienen / vnd im
 nachfeltigen vnterricht / auch ernstlichen befohlen / Christliche
 ganzen Lande anordnen zu lassen / damit dem künfftigen zorn
 tewret werden möchte / Wie solches von den Wolweisen
 halthasarn Westphalen vnd Johan Müllern / Bürger
 in vnd Rathsvorwandten desselbigen ortes den 5. Dec
 mb. glaubwürdig bericht vnd anhero geschrieben /

lutherzigen vnd Fromen Christen
 wahrer besserung vnd warnung in
 Druck verfertigt.



94

BIBLIOTHECA
 PONICKAVIANA

berg / Gedruckt bey Wolfgang Meissner.